


**Udiënza dla defensuria zivica** Gabriele Morandell o de súa colaboradëssa Verena Crazzolarà, en vëndres ai 10 de novëmber dales 14.30 – 16.00 a San Martin te Ciasa de Comun. Informaziun y prenotaziun al tel. 0471 301155.

**La Biblioteca Sas dla Crusc** inviëia dër bel ala incuntada di “Amisc dla letöra, i s’la cuntun di libri che i un lit” te biblioteca a Badia en jöbia ai 9 de novëmber dales 20:00.

**Mostra fotografica „Demënza – La responsabilité de fá valch“:** le Raiun Sozial Val Badia en colaboraziun cun l’asoziazium ASAA – Alzheimer Südtirol Alto Adige organisëia chësta mostra di auturs Manuela Tessaro y Alberto Franceschi. La mostra é da odëi te Raiun Sozial Val Badia a Picolin dai pröms de novëmber 2017 cina ai 31 de jená dl 2018 y la daurada ofiziala é en jöbia, ai 9 de novëmber dales 19.00 cun n referat „Cualité de vita cun demënza – i compic dla asoziazium Alzheimer Südtirol Alto Adige“ de so president Ulrich Seitz.

**L’uniun dl teater S. Martin de Tor** inviëia ala comedia “*I ó ji a ciasa*” ai 5 de novëmber dales 15:00; ai 9, ai 11, ai 16 y ai 19 de novëmber dales 20:00 te salf/palestra a S. Martin. Prenotaziuns dales 17:00 ales 18:00 sot al nr. 3283133285 o n’ ora dan vigni rapresentaziun.

**Erntedank  
beginnt mit  
dem Staunen  
und endet  
im Lobpreis**



# Plata dla Ploania Badia San Iaco - San Linert

Ploan: Siur Iaco Wendelin Willeit  
Calonia Badia: 0471/839571  
E-Mail: [parrocchiabadia@libero.it](mailto:parrocchiabadia@libero.it)  
Radio dla Ploania: 91,10 Mhz

UNITÉ PASTORALA



[www.unitepastorala.org](http://www.unitepastorala.org)

Ann „A“ 05.11. - 12.11.2017 31<sup>a</sup> Domënia dl ann n. 50

## FESTA de S. LINERT Patron de nosta dlijia FESTA dla RACOIÜDA



### Vangele dla proscima domënia - 32<sup>a</sup> dl Ann „A“

Mt. 25, 1-13

Te chël témp ti á Gejú cunté ai discepui chësta parabola: Cun le règn dl cil sárara sciöche cun diesc jones che á tut sües löms y ti é jüdes adincuntra al nüc. Cinch de ères é dejacortes, y cinch é acortes. Les dejacortes s’á tut impara les löms, mo degun öre, les acortes indere á ince tut cun les löms öre ti bocá. Canche le nüc ne gnô dí alalungia nia, áres metü man dötes cantes da ciuché y s’á indormedí.

Amesa nôt án aldí te n iade scraian dadalt: Al vëgn le nüc! Jidi adincuntra! Dailó é les jones dötes lovades sö y á metü apost sües löms. Y les dejacortes ti á dit ales acortes: Desse de osc öre, zënza él nostes löms che se destöda. Mo les acortes ti á respognü: Dailó ne n’ar-junjel no por nos, no por os; jide ma dai boteghiers y cumpressun.

Ciamó tratan ch’ares é sön tru da jí a cumpré l’öre, é gnü le nüc; les jones che é arjignades é jüdes impara tl salf da noza, y la porta é gnüda stlüta. Plü tert él ince gnü les atres jones y ares cherdá: Signur, Signur, deuresse! Mo al ti á respognü: Amen, i ves diji: I ne ves conësci nia. Stede acorc! I ne conescëis no le de, no l’ora.

## FUNZIUNS SACRES

05.11. **30<sup>a</sup> DOMÈNIA dl ANN** - De de rengraziamënt dla racoiüda

### FESTA de S. LINERT

- 09.00 Mëssa ciantada en onur de S. Linert  
10.45 *Sfilada cun i ciavai y benedisciun*  
18.00 †to Tone Pitscheider - aniversar  
†ta Erna Dapunt  
vis y †ti Alfarei de Parüs

07.11. Mertesc

- 19.30 †ta Maria Rubatscher Anvidalfarei  
†ta Anna Piccolruaz ( dal KVV)  
†ta Angela Costa

08.11. Mercui - *Mëssa cun i scolars dla elementara*

- 07.30 †to Giancarlo Bertuolo - aniversar  
†ta Nane Granruaz Pitscheider  
por les animes dl purgatore

09.11. Jöbia - *Mëssa cun i studënc dla scora mesana y scores altes*

- 19.30 †to Franz Irsara de Jan - aniversar  
†ti dla fam. Alfarei de Andrac  
por les animes dl purgatore

10.11. Vëndres - **S. Leone Magno**

- 07.30 †to Paul Valentin da Cialaruns - aniversar  
†ta Zilia Nagler  
por fam. Paul y Rosina Nagler

11.11. Sabeda - **S. Martin**

- 16.00 Mëssa a Oies

12.11. **31<sup>a</sup> DOMÈNIA dl ANN - A**

- 10.00 Mëssa por la Comunità  
15.00 Ora de adoraziun  
18.00 †ta Gerda Schulze Irsara  
†to Paul Ploner  
†tes Gusta y Agnes Pescollderungg

## Dala VITA dla CÛRA

### Vijita Pastorala dl Vësko

En sabeda, ai 11 de novëmber dales 15:00 sarál a Corvara na funziun olache le Vësko dará, a chi che ó, l'Öl Sant. Düc é inviá a tó pert.



La proscima **Preparaziun al Bato** sará la sabeda, ai 11 de novëmber dales 15:00 a S. Ciascian tl salf de colonia. Prenotesse al nr. 0471/ 849372.

**Senioreclub:** inviun düc en sabeda, ai 11 de novëmber da gní a Corvara olache al sará nosc Vësko che nes dá l'Öl Sant. Piun ia cun auti privac da Ciasa Runcher o da Pedraces dales 14:30.

**Rorate:** al é bel sëgn da ponsé al Advënt. Porchël periunse i rapresentanc dles uniuns y grups che arjigna ca les mësses di Rorate da gní te colonia por fá fora la data de jiderada, y insciö ince i cors y grups che se mët a disposiziun por cianté y soné.

**Festa de San Martin:** en vëndres, ai 10 de novëmber dales 17:00 vá i mituns y les mitans dla scolina adöm ai scolari dla pröma tlassa dla elementara, fora por paisc cun la linterna por festejé San Martin. Dedò vái te dljia, olache al sará na picera funziun y benedisciun. Düc é dër bel inviá a tó pert.

**Caritas:** la domènia dla Caritas sará ai 19 de novëmber y dales mësses gnarál trat ite l'offerta por la Caritas.

Intratan recordun che i **sac dal quant** mëss gní dá jö sön plaza de Piz La lla dal vëndres, 10 de novëmber dales 15:00 inant cina ales 10:00 dla sabeda, 11 de novëmber.

### Festa de San Linert - Festa di ciavai

A Badia él sëgn trami i Sanc proteturs che se dá la man. Ince San Linert é diventé gran cun la tradiziun dla benedisciun di ciavai.

Pordërt é San Linert n eremit che chirí la meditaziun dla natöra; mo al s'á ince dër impegné tla Caritas por delibré i sará ia; porchël é les morones o i fers da ciaval so simbol. Ince nos sun condizioná da tan de cosses che se tól la liberté. Adorun la bona man de San Linert che se porta a vire la fede cun ligrëza y convinziun.

Siur Degan